

36
S. AVGVSTINVS
THEOLOGORVM
ARISTOTELES
SIVE

DE S. AVGVSTINI
IN REBVS THEOLOGICIS
AVCTORITATE

O R A T I O

Dicta LVtet. PARIS. VI. NON. OCTOB.
CID. IDCLVI.

In Aula Theologica Collegij Claromontani

A Patre STEPHANO DECHAMPS Societatis IESV.



PARISIIS,
EX OFFICINA CRAMOSIANA.

M. DC. LVI.
CVM PRIVILEGIO REGIS.

SAVING

THE

ARTIST

OF

THE

ARTIST

OF

THE

OF

OF

OF

OF

OF

OF

OF

OF

OF

OF

OF

OF



S. AVGVSTINVS THEOLOGORVM ARISTOTELES.

O R A T I O.



VM è Philosophiæ sinu digressus
ad res Theologicas animum ap-
pellerem (Auditores ornatissimi)
mihique Aristotelem alium, qui
arcana Christianæ religionis mysteria per-
scrutanti facem præferret, quærendum esso
intelligerem : continuò venit in mentem
Ludouici Cardinalis Arelatensis sapientissi-
ma vox, quâ in celeberrimo Basileensis Con-
cilij theatro *Sanctum Augustinum Theolo-*
gorum omnium Aristotelem esse pronuntia-
uit. Nam ex innumeris ferè Doctõribus,
qui siderum instar nascenti, vel adultæ Ec-

*Apud Aeneam
Sylvium lib. 3. de
gestis Concilij Ba-
sileensis.*

clesix illuxerunt ; nullus est omnino , qui
 potiori iure eum inter Theologos principa-
 tum sibi vendicet , quem communis tot sæ-
 culorum consensus inter Philosophos Ari-
 stoteli concessit. Ac ne fortè quis existimer
 hanc orationem meam grätificari Caluino ,
 & afflictam eorum causam subleuare , qui vt
 Augustini nomine ad spargenda pestiferæ
 nouitatis dogmata faciliùs abutantur , eum
 Catholicæ veritatis regulam esse conten-
 dunt : iam inde ab hoc aditu palam & aper-
 tè profiteor , me in texendâ adornandâque
 Sancti Augustini laudatione ita versaturum ,
 vt nec verum illi decus eripiam , nec
 falsum & eumentitum affingam. Enimuero
 cùm à multis retro sæculis de Sancti Augu-
 stini auctoritate certatum sit inter eos , qui
 vel nimis illam extenuare , ac propemodum
 abiicere ; vel exaggerare plus æquo , & in
 cælum tollere conati sunt : mediam quasi
 viam instituisse , & vtrisque altercandi occa-
 sionem præcidisse videtur , qui *Sanctum Au-
 gustinum Theologorum omnium Aristotelem*
 appellauit. Quod vt liquidò appareat , & ar-
 canus tam exquisiti , meditatique elogij sen-
 sus euoluatur ; duo sunt mihi hac oratione
 demonstranda : vnum est , Sanctum Augu-

stinum eodem iure Theologorum esse principem, quo Aristoteles ab omni propè memoriâ Philosophorum princeps habetur: alterum, hinc adeo non effici Sanctum Augustinum Catholicæ veritatis regulam esse, vt contrarium potiùs manifestè colligatur.

Tria sunt quæ gloriosum illud principis Philosophorum nomen, & adiunctam illi auctoritatem venerationémque Aristoteli pepererunt: summum ingenium, quo cætera eruditæ vetustatis lumina facilè vincit: eximia & propè incredibilis doctrina, quâ tot disciplinas vnus complectitur, quot ab aliis simul omnibus comprehendendi vix possunt: & admirabilis quædam felicitas, seu potiùs Diuini numinis prouidentia, cuius ope ac veluti ductu quàm minimè, vt in tanta rerum obscuritate, & humanæ mentis imbecillitate, hallucinetur & aberret. Summum fuisse Aristotelis ingenium, & communem mortalium solertiam longè prætergressum, ^a constans est opinio doctorum atque sapientum. Nam etsi apud veteres non satis explicata, nec perspicuè diiudicata sit illa controuersia, quâ quæri pridem solet, quis inter Philosophorum procures ingeniosissimus extiterit: consequentes tamen ætates tanto

^a Apud Fensicam
in præmio me.
1aph. c. 3.

consensu ingenij palmam Aristoteli detulerunt; vt non vnus Auerrois, sed communis plurimorum sæculorum vox illa esse videatur, quâ Aristotelem ^a *humana intelligentia finem ac metam* appellat; atque naturam in fingendo, elaborandoque eius ingenio perfectissimum industriæ suæ specimen edidisse.

Satis tamen ad Philosophiæ principatum non erat ^b *immensa subtilitas*, & ^c *excellens ac pæne diuinum Aristotelis ingenium*: nisi doctrina quædam egregia & singularis accessisset, quæ perpoliret illud disciplinis omnibus, & infinitâ rerum cognitione locupletaret. Accessit verò tam exquisita & copiosa, vt qui libros centum & viginti, quos ex ^e quadringentis summâ curâ ab illo elucubratissimos habemus, non desultoriè, sed diligenter & attentè peruoluit: assensurus sit illud nobilissimis eius interpretibus, ^f *supra humanum caput* esse, & in ^g *maximis miraculis* numerandum, quod cum disciplinas omnes vnus amplectatur, perinde tamen in qualibet excellit, ac si in eâ duntaxat descendâ excolendâque ætatem contriuisset.

Quamquam, Aristotelem non tam egregia vis ingenij, & disciplinarum omnium

^a Auerroes libro 3. de anima comm.

^{14.} quod etiam refert Egidius quodlibet. 2.

^b Plin. l. 18. c. 34.

^c S. Augustinus lib.

3. de ciuitate cap.

12.

^d Cicero lib. 1. de diuinatione.

^e Læcius in Aristotele.

^f Ammonius in vita Aristotelis, quam præfixit interpretat. categor.

^g Auerroes in proemio physic.

accessione cumulata doctrina; quàm felicitas quædam insignis, & mira Dei prouidentia, ad supremum Philosophiæ culmen extulit. Nam Christiani pariter ac profani Philosophi, qui eius doctrinæ vehementiùs addicti sunt atque consecrati, tum hoc admirantur præcipuè, quòd in peruestigandis enucleandisque naturæ arcanis minimè omnium à veritate deflexerit: tum id^a Diuino muneri, & peculiari prouidentia ad eius studia ferè semper aduigilanti, atque ipsi quodammodo collaboranti tribuendum esse decernunt.

^a Apud Dandinum
in præfat. libror. de
anima.

Age nunc porrò, si Philosophorum princeps iure merito Aristoteles habetur, quòd ad exploranda naturæ arcana tam eximiis ingenij, doctrinæ, ac Diuini etiam auxilij præsidij instructus accesserit: quo inter Theologos numero S. Augustinum esse oportet, qui ad res Diuinas explicandas hæc eadem tam ampla, & exaggerata contulit; vt tantùm in singulis Aristotelem vincat, quantum Aristoteles ipse aliis omnibus antecellit? Nam vt ab ingenio exordiar, ex quo prima litterati hominis commendatio ducitur, ego sic existimo: Aristotelem quidem profanorum om-

nium atque Philosophorum; S. Augustinum verò mortalium planè omnium ingeniosissimum extitisse. Si leuior esset ista vulgarisque laus, satis ad fidem illi conciliandam videretur, perquàm ornata veterum scriptorum verba, quibus Augustinus^a *Aquila* & veluti *Phœnix ingeniorum* appellatur, recitare: sed cùm amplissima sit, planèque singularis, solidioribus argumentis, nimirum Apostolicæ Sedis auctoritate, Sanctorum Patrum testimoniis, & multiplici ratione probanda est.

Audite igitur non oratorem de schola ambizioso verborum apparatu tenuissima quæque exaggerantem; sed veritatis arbitrum, Diuini numinis interpretem, Christianæ religionis oraculum, & Romanæ Sedis Antistitem Martinum V.^b *Vnus Augustinus*, inquit, *omnium Patrum, sapientiumque ingenia exhibet*. Quid ad S. Augustini acumen cæteris omnibus præferendum magnificentius dici, aut cogitari potest? Non tam ingeniosorum vertex appellatur, quàm summa atque compendium: nec præstantissimis tantùm ingeniis anteire, sed ex omnibus simul collectis,

^a *Apud Lucillot. lib. 3. de Vita S. August. cap. 34.*

^b *Martinus V. in sermone de transl. S. Monica. habetur in hystor. Augustiniana Tolosa edita pag. 474.*

etis, & veluti in vnum confluentibus componi perhibetur.

Ac prima quidem tam excellentis ingenij, & inter mortales omnes eminentis indicia tum dedit, cùm admodum adolescens, & vix vlla litterarum cognitione tinctus, reconditiores artes, & disciplinas per se ipse, ac sua sponte celeriter arripuit. Sic enim Augustini propria est laus ista, vt de nemine vno memoriæ proditum sit, quod de se, non gloriandi, sed Diuini muneris prædicandi causâ, vir omnium modestissimus profiteatur. Ait tantùm se ^a *intelligendi celeritate & discutiendi acumine* valuisse, vt adolescentulus non artes tantùm liberales, sed abstrusissima quæque Mathematicorum mysteria, *nullo hominum tradente intellexerit*. Parum est: Diuinum illud ingenium, vel cùm effloresceret primùm, altius sese extulit. Aristotelis categorias, quàm spinosum, Deus immortalis! & implicatum opusculum! cum reliquis Dialecticorum argutiis, quæ subtilissimam mentis aciem præ tenuitate sua fugere solent, nisi figuris quibusdam illigatæ, sub oculis quodammodo à solerti præceptore subiiciantur, non modò *solus intellexit*; sed primo illo veluti contuitu penetrauit ea om-

^a Lib. 4. Confess.
cap. ultimo.

nia, quæ ab aliis, etsi ingeniosissimis, laboriosè duntaxat, & adhibitis interpretibus perdiscuntur. O singularem, & hæctenus inauditam discendi, intelligendique celeritatem! ô præstantissimum, & post homines natos longè acutissimum ingenium! de quo vsurpari verè potest, quod de suo Adeodato, nonnihil, vt fit, amoris paterno indulgens, affirmabat, ^a*horrori mihi est illud ingenium*, vel ingenij potiùs *miraculum*, atque portentum.

^a lib. 9. Confession.
cap. 6.

Verùm etsi primus ille exorientis ingeniorum solis fulgor, clarissima ætatum omnium lumina obscurârît: multò tamen splendidiore emisit radios, cùm adulta iam & corroborata luce meridianus effulset. Enimvero ætate prouectior, tot latebras aliis intentatas, tot recessus humanis mentibus inaccessos penetrauit: vt peritissimus ingeniorum æstimator S. Thomas, quod ad perspicacem Diuini numinis solertiam commendandam à Propheta dicitur, ^b*Profunda fluiuiorum scrutatus est, & abscondita in lucem produxit*, vni ex omnibus mortalibus Augustino accommodet, asserâtque ^c*scrutatatum esse profunda quatuor fluiuiorum: scripture, creature, culpa, & gratia*. Quis enim profundum illud diuinæ gratiæ flumen, cu-

^b Job. 28. 11.

^c S. Thomas sermone de S. Augustino.

ius altitudo superiores Christianæ religionis
 Antistites ab eo pertentando deterruerat,
 inuestigauit? ^a *Præstantissimus minister gra-* ^{a Prosper epist. ad}
tia Augustinus: qui altius sese in eius fontes ^{Ruffinum.}
 immergens, ipsum quoque, ex quo pro-
 fluunt, æternæ prædestinationis oceanum,
 quoad homini licet, explorauit. Quis im-
 mensam peccati originalis voraginem, no-
 bilitatam illam quidem mortalium omnium
 naufragiis, sed nihilo minus humanis men-
 tibus imperuiam scrutatus est? ^b *Abyssus* ^{b Possid. ad Maced.}
sapientia Augustinus: qui per naturæ vulne-
 ra, & hereditarias calamitates, à primo pa-
 rente quasi patrimonium quoddam iniqui-
 tatis in posteros transfusas, ad ipsum mali
 caput, fontemque peruenit. Quis natiuam
 creaturæ imbecillitatem, ipsumque adeo
 eius nihilum, tot inexploratum sæculis, pla-
 néque incognitum indagauit? ^c *Omnium* ^{c Paulin. epist. ad}
referator Augustinus: qui ut diuinæ gratiæ ^{Valer.}
 splendorem, cuius radiis perstricta cætero-
 rum acies hebescebat, propius cognouit;
 sic creaturæ infirmitatem, quæ nimia obscu-
 ritate ingeniosissimum quemque à cognitio-
 ne sua repellebat, penitus introspexit. Quis
 denique difficillima sacrarum litterarum
 loca, quibus inclusi tot mysteriorum fontes

^a *Audax epist. 139.*
apud *August.*

^b *Martinus V. in*
sermone de Transf.
S. Mous. a.

& absconditi latebant, enodauit? ^a *Oraculum legis Augustinus*: qui subtiliori mentis acie per abdita, & aliis interclusa permeans, penitissimos scripturæ sensus in lucem protulit; sic vt Romanus Pontifex asserat, ^b *nihil pane ex sacris litteris posse nisi eo duce intelligi, nihil nisi eodem interprete explicari.*

Sed et ego singulatim argumenta persequor, quibus Augustinus velut apex quidam ingeniorum inter litteratos eminere, & cæterorum luminibus obstruere demonstratur: cum & eum constet de qualibet quæstione scribere ingressum, repentè æstu quodam ingenij procul à terra abripi, & in altum à conspectu omnium abstrahi: & verò aures nostras feriant voces istæ, quibus superiora sæcula sic resonant, vt ad omnem posteritatem referantur: ^c *Augustinus omnes Ecclesiæ Doctores ingenio vincit incomparabiliter.*

^c *Vincens. Bellou.*
speculi doctrin. lib.
17. cap. 51.
Isidorus Hispal. lib.
8. origin.
Hugo Victorinus
didascal. lib. 4. cap.
14.

Bene habet: eò iam Augustinum extulimus, vnde homini laborioso & vigilantissimo facilis est ad summam doctrinæ laudem ascensus. Nam qui tantum mentis acie valet, si non obsolescat in otio, sed suum omne tempus studiis impendat, longè omnes multumque eruditionis varietate ac copiâ supera-

bit. Quantùm igitur in accurata rerum Theologicarum cognitione vnus inter omnes Augustinus excellit? qui cùm adolescens diuinum illud ingenium humanioribus primùm litteris, tum aliis artibus ac studiis, quibus ad maiora præluditur, commoddasset: totum postea Theologicis rebus sic impertiit, vt per alias quidem disciplinas aliquandiu peregrinatus, in hac autem habitasse, ac veluti sedem & domicilium collocasse videatur. Neque verò vna tantùm hæc ratio summam fuisse in Augustino Theologicæ doctrinæ copiam ostendit: sed eodem conspirant argumenta omnia, ex quibus certa de hominis eruditione coniectura capi solet. Nam si hominis doctrinam ex earum rerum, quas optimè notas habet atque comprehensas, amplitudine metimur: quis Augustino de eruditione Theologica non concedat? cùm nullam huius doctrinæ partem eum fugisse testis sit perhonorifica illa, quæ pridem apud omnes increbuit, Volusiani sententia: *¹ Cùm ad Augustinum venit, legi deest quidquid contigerit ignorari.* Iam verò si de alicuius eruditione existimamus ex libris, quos & omni cura limatos, & numero propemodum infinitos emisit in lucem:

*¹ Volusianus episc.
2. ad Aug. qua est
2. inter Augusti-
niani.*

quis in Theologicis Augustino peritior? qui tam multa de fidei nostræ mysteriis exquisitè, planèque diuinitus scripta reliquit; eum ut veteres ^a *Christianum Varronem voluminum magnitudine* appellent, dicantque tractatus illius omnes ne ^b *dimumerari* quidem posse, nedum attentè ac diligenter ab homine vno *perlegi*. Denique si ex hæresum, quibuscum aliquis ætate tota feliciter confligit, subtilitate ac numero rectè colligitur, quanta sit in eo sacræ doctrinæ vbertas & copia: quis in omnibus Theologiæ partibus Augustino eruditior? qui Manichæorum laqueis extricatus, fanaticam illam quidem, sed versipellem admodum & incredibili principum suorum doctrinâ gloriantem hæresim debellauit: qui vaferrimam Donatistarum sectam totâ passim Africâ impunè grassantem, leuioribus primùm opusculis, sic tanquam velitationibus, fregit; cum integris voluminibus, quasi iustis præliis, attriuit pènitè atque profligauit: qui nascentem Pelagij hæresim, & miris artibus atque præstigiis Catholicos ludificantem, non iis tantùm dissimulationis integumentis euoluit; sed tergiuerfantem insequi, & vires subinde instaurantem repetitis ictibus

^a Claudianus, *Maximianus* lib. 3. de statu animæ.

^b *Ado in Martyrol. ad 5. Kalend. Septemb.*

Vitlor Vicensis lib.

1 de persec. Vandal.

Isidorus Hispal. lib.

6. originum.

Posid. in vita S.

August. cap. 18.

confodere vsque eò non destitit, dum ad eius pedes debilitata & exanimis concideret: qui superiorum temporum errores ferè omnes renascentes iterum, & vetera in Ecclesiam bella maiori fallaciarum apparatu renouantes exarmauit, iugulauit, deleuit: qui futuras etiam hæreses multò antè peremit, quàm ex inferis emergerent; cùm ex eius scriptis, tanquam ex munitissimo ^a *armamentario* depromantur validiora tela, quibus errorum monstra, simul ac prodeunt in lucem, configi solent: vt meritò à S. S. Patribus ^b *hereticorum malleus*, atque ^c *debellator*, & ^d *omnium quæ fidem turbare poterant hæresum* extinctor appelletur.

^a Pau' in. epist. 1.
ad Aug.

^b Sanctus Bernardus serm. 80. in Cant.

^c Cassiodor. lib. de diu. lect. cap. 32.

^d Beda tom. 4. lib. de tabern. & vasis.

Nemo est, opinor, qui post tanta summa eruditionis argumenta mihi succenseat, percelebre illud elogium, & apud sanctos Patres peruulgatum vsurpanti: ^e *Augustinus omnes Ecclesie Doctores scientiâ vincit*. Sed erit fortasse qui neget, singularem illi Diuinæ lucis copiam, & supremi numinis curam adfuisse, quâ opitulante, rarò admodum, pro tanta difficillimarum rerum varietate, aberraret. Næ ille vehementer fallitur, qui de Augustino sic sentit; cùm in ea re, quæ ad Theologorum principem omni laude cu-

^e Isid. Hispal. l. 6. origin.

Hugo Vitor. didasc. lib. 4. cap. 14.

Vincen. Bellou. spec. doct. lib. 17.

cap. 51.

mulandum maximè requiritur, tantùm aliis præstiterit, vt quæ in singulis animaduersa sunt Diuinæ illius prouidentiae signa, in hoc vno & clariora, & collecta cernantur. Scio

^a Molanus lib. 3. de
Historia Sancta-
rum Imag. cap. 8.

Thomam Aquinatem ^a tam copiosum è cælo lumen hausisse, vt perinde ac si ipsum veritatis solem intimis visceribus inclusum premeret, cum radiis toto pectore emicantibus pingi soleat: sed potiori quodam iure rutilans ille corporis habitus Augustinum decet; cum Seuerus radiantem in eius pectore iustitiae solem tremulis & conuiuentibus oculis intuens, exclamet: ^b *viscera tua, viscera perfusa lumine veritatis, & resurgentia veritatem.* Non ignoro S. Bernardum, quod instillatam potiùs à matre sapientiae, quàm proprio labore comparatam doctrinam habuerit, ita vulgò depingi; vt nixus genibus, profluentem ex Virginis papillis sponte rorantibus lactis riuulum Diuinus Christi col-lactaneus ebibat: sed Augustinus nobiliori quadam specie, & ad cælestem doctrinae suæ originem declarandam magis accommodata debet adumbrari; cum persæpe inter Christi vulnera sanguine stillantia, atque Virginis mammas lacte manantes positus, & gemino illo liquore delibutus ac madens, diceret:

^b Seuerus epist. 37.
inter August.

diceret : ^a *hinc pascor à vulnere, hinc lactor ab ubere.* Noui Gregorium Magnum, quòd ex Spiritus sancti afflatu plurima scripserit, ^b *pingi cum aduolante cælitus columbâ, quæ aures eius vellat, & in eas nescio quid insusurret : sed augustiorem sibi formam Augustinus vendicat, cùm ex grauissimo plurimorum Patrum testimonio, ita ^c spiritu reuelationis illuminatus fuerit, vt plerumque ^d docente ac veluti ^e dictante Spiritu sancto scripserit videatur.* Certè non poterat mortalis homo in tantâ difficillimarum quæstionum, quas primus enodauit, obscuritate ac multitudine, non deerrare multò frequentius & incurrere : nisi lux aliqua cælo allapsa viam ostendisset, & Diuina quædam manutnantem subinde atque vacillantem sustinisset.

Cùm igitur Augustinus non admirabili tantùm ingenij præstantiâ, & singulari doctrinæ vbertate ; sed Diuino etiam afflatu omnes Ecclesiæ Doctores facilè vincat : quis illi inter Theologos principatum non deferat eum, quem Aristoteles apud Philosophos est adeptus ? Atque eo facere id impensius debemus, quòd res non semel præiudicata, & communi Theologorum Pa-

^a *Palder. in theatro Rellig. fol. 123. & 118.*

^b *Ioannes Diac-nus lib. 4. vita S. Gregory cap. 69. & 70.*

^c *Paulin. epist. 249. inter August.*

^d *Hugo Vidorin. tom. 2. serm. 99.*

^e *Paulin. epist. 35. inter August. Rupert. lib. 7. de oper. Sp. sancti. cap. 19.*

trúmque consensu, ac ipsius etiam Ecclesiæ auctoritate, propemodum definita videatur. Sic enim pugnatrix Theologiæ parens Petrus Lombardus, sic Angelicus Doctor Thomas Aquinas, aliique ab aliis profecti Theologi censebant: cùm Lombardus quidem ex vnis ferè Augustini sententiis opus illud concinnârit, cui tanquam stamini scholasticæ disputationes subteminis loco intexuntur: Aquinas autem ^a *Augustini vestigiis ingredi*, cùmque in seipso ^b *rediniuum* ac spirantem exhibere conatus sit: alij verò ita pro se quisque Augustinum in doctrinæ suæ patronum ac veluti fundum ascuerint; vt Vincentius Ferrariensis affirmet, cum instar habere ^c *aurei candelabri*, quod omnia Theologiæ lumina *sustentet*. Sic etiam statuebant qui ante natam scholasticen pietatis & doctrinæ laude floruerunt: cùm ab iis Augustinus, ^d *Pater Patrum*, *Doctor Doctorum*, ^e *Sol* Theologorum appelletur. Sic ipsa quoque sensisse videtur Ecclesia; cùm vnum ex Sanctis Patribus Augustinum delegerit, cuius sententias oraculis suis frequentissimè insereret, cuius verbis plurima conciperet fidei decreta, cuius ore sæpissimè in Conciliis loqueretur. Ita ^f *Ecclesiæ lingua* post mor-

^a *Vilan. V. in Bulla transl. Corp. S. Thom.*

^b *Sixtus Senensis Bibl. l. 4.*

^c *S. Vincentius Ferr. serm. de S. August.*

^d *Possidius in epist. ad Maced.*

^e *Remigius Antisiod. super 2. ad Cor. vint.*

^f *Petrus Damian. serm. 63.*

THEOLOG. ARISTOTELES. 19
tem habetur Augustinus, qui dum viue-
ret, ^a *Conciliorum mens & ingenium* dici me-
ruerat.

^a S. Prosper *carmin.*
de ingratiss.

At hîc nescio quis obstrepit mihi, & præ
gaudio, sui vix compos interpellare dicen-
tem gestit, atque in orationem meam inuo-
lare. Sentio quid hominis sit: nouæ sectæ
mysteriis initiatus est; ex principis sui sen-
su omnes Augustini laudes interpretatur,
méque hoc ipso Catholicæ veritatis regu-
lam in eo statuisse putat, quòd Theologo-
rum Aristotelem esse demonstraui. Sed faxo
vt intelligat longè secùs rem habere, atque
hoc elogio Diuinam auctoritatem, quam
Caluinianorum fœderati S. Augustino, con-
trà quàm ipse ^b præscribit, arrogant, labe-
factari. Quæ est enim, amabo, auctoritas il-
la, quâ pridem Aristoteles Christianos Phi-
losophos sibi deuinctos tenet? non ea pro-
fectò, quam apud ^c Arabes obtinebat, cùm
abhinc annos propè quingentos, tanquam
Philosophiæ Deus, in quem ^d *nullus omnino*
error caderet, Auerrois commendatione co-
leretur. Nam cùm per illud tempus Aristot-
elis nomen, quo Hispania tota persona-
bat, vicinis in Gallis audiri coepisset: veriti
Ecclesiæ Præsules, ne si Parisiensem in Aca-

^b S. August. *epist.*
iii. & lib. de dono
per se. cap. 21.

^c Franciscus Pa-
tricius tom. 1. dis-
cuss. Persp. lib. 13.

^d Auerroes in
proem. lib. 1. Phys.
sub finem.

demiam eâ occasione irreperet, parem sibi apud aliquos conciliaret auctoritatem: tanto studio ad intercludendum illi aditum incubuere, vt Concilium Senonense, ^a *Aristotelis Metaphysicam comburi*; Cardinalis verò S. Stephani Apostolicæ Sedis legatus, etiam libros ^b *de naturali Philosophia non legi*; & summus ipse Pontifex Gregorius IX. ^c *Magistros artium libris illis naturalibus non uti*, mandauerit.

Dum Aristotelis Philosophia tot ignominix notis iniusta Parisiis exularet, & qui vel leuiter eam attigissent, ^d hæresis suspicionem aspergerentur: commodum adfuit ^e *auctor regnantis Aristotelis* (sic à Luthero per contumeliam, ab ^f aliis verò per summum honorem S. Thomas appellatur) qui tum singulari solertiâ, tum Diuino quodam instinctu peruidens, quoniam illa aduersus Aristotelem Ecclesiæ decreta pertinerent; viam in eo consecrando iniuit illam, quam deinceps Christiani Philosophi, probante Apostolica Sede, & toto plaudente orbe Catholico tenuerunt. Nimirum summam in rebus Philosophicis Aristoteli auctoritatem tribuit, at humanam duntaxat, & quandoque repudiandam: inhærendum sibi eius

^a Concil: Senon. an. Chr. 1109. cuius memini Rigordus in vita Phil. Aug.

^b Decretum Card. S. Steph. anni 1215.

^c Constitutio Greg. IX. ad Vniuers. Parij. anno 1231.

^d Apud Henricum Gandau. lib. de script. Eccl. cap. 14.

^e Luthernus in confutatione ration. Latom. sub finem. ^f Causis lib. 10. de locis Theolog. cap. 5.

vestigiiis esse duxit, sed quoad vis quædam maior aliò non vocaret: clariùs dicam, Aristotelem non Philosophiæ Deum, sed principem esse voluit, qui pro humanâ infirmitate obnoxius sit errori, & à quo non impune tantùm, sed etiam honestè quandoque discedatur. Vix hac conditione Philosophorum in scholis, regnare Aristoteles cœpit: cùm ij ipsi, qui omni conatu obstiterant, nequam Cordubæ tyrannidem occuparat, Lutetiæ invaderet, tam legitimum illi principatum suapte sponte adiudicarunt. Nam & doctissimi Cardinales Apostolicæ Sedis legati, ^a Ioannes, Ægidius, & ^b Totauillæus, qui dilapsam Parisiensis Academiæ disciplinam novis legibus astrinxere, sic temperatæ Aristotelis auctoritati primas in Philosophiâ detulerunt: & præstantissimi Theologi, qui ^c ad 12. millia Aristotelis Philosophiam editis in lucem commentariis exposuere, nefas sibi esse putauerunt, ab eo deficere, nisi cùm illud ^d vel Catholica fides, vel ratio coruscante meridiano sole clarior, vel communis Doctorum omnium consensus imparreret.

Hæc erat apud Christianos Philosophos Aristotelis auctoritas, cùm Ludouicus Car-

^a Decretum Cardinalium Ioannis & Ægidij, anno 1161.

^b Decretum Cardinal. Totauill. ann. 1452.

^c Franc. Patricius rom. 1 Disquis. Peripat. lib. 10. sub finem.

^d Ægidius in tractatu de erroribus Arist. & in 1. dist. 1. p. 1. q. 1. a. 2.

dinalis Arelatenſis, in ampliffimo Baſileenſium Patrum conſeſſu *S. Auguſtinum Theologorum omnium Ariſtotelem* nuncupauit.

^a Spondanus ad ann. 1438. num. 11.

^b Eneas Syluſ lib. 1. de geſſis Concilij Baſil. pag. 25.

Cenſebat igitur vir tantâ ^a doctrinâ, vt ^b ad generalium Conciliorum gubernationem natus diceretur, S. Auguſtinum non alia ynquam lege Theologorum in ſcholis regnaſſe, quàm quæ Ariſtoteſi Chriſtianorum gymnafia ingredienti eſt impoſita. Atque cum verè id ſenſiſſe demonſtrat vetus admodum, & iam inde ab ipsis ſcholatiſtes incunabulis repetita conſuetudo S. Auguſtinum eaſdem ob cauſas Theologicis in rebus deferendi, propter quas Ariſtoteles in Philoſophicis abiicitur.

Primùm enim vt Chriſtiani Philoſophi Ariſtotelem palam eiurant, ſi fidei decretis aduerſetur : ſic Theologi S. Auguſtinum apertè abdicant, ſi ab Eccleſiæ & Romano- rum Pontificum ſanctionibus diſſideat. Nam vt præclare, & ad frangendam Ianſenianorum audaciam perquam appoſitè, Sanctus Thomas aſſerit, ^c *Auctoritas Eccleſiæ principaliter reſidet in ſummo Pontifice, contra cuius auctoritatem nec Auguſtinus, nec aliquis Sanctorum Patrum ſuam ſententiam defendit.* Hinc eſt quòd nobiliſſimi Theologi, etſi fateantur S. Auguſtinum in ea fuiſſe opinio-

^c S. Thomas 1. 2. q. 11. a. 2. ad 3.

ne, quæ paruulos originali peccato immo-
rientes æternis ignibus addicit: contrariam
tamen, quòd Innocentij III. decreto stabi-
lita sit, amplectuntur, aiuntque audacter ac
liberè: ^a *in hoc non tenetur S. Augustinus.*

Deinde vt Philosophi ab Aristotele disce-
dunt, si manifesta in eum ratio ex plurimo-
rum sæculorum experienciâ, vel aliunde ac-
cessita pugnet: sic Theologi eandem ob
causam ab Augustino dissentire, non mo-
dò licitum sibi, sed etiam necessarium arbi-
trantur. Cùm enim idcirco tantùm summis
illis viris longè quàm aliis maior adhiberi fi-
des debeat, quòd ^b *rationabilius sint locuti:*
plus profectò manifestæ rationi, quàm co-
rum auctoritati tribuimus: & ^c *quando, inquit*
Abulensis, inuenitur ratio necessariò ostendens
contra Augustinum; rationi potius quàm
Augustino assentimur. Atque id vnâ voce
docti omnes approbant, cùm Augustinum
pugnantem acriter, ^d *nimis absurdum esse, &*
nulla ratione credendum, homines aliquos ex
Adami stirpe prognatos *aduersa pedibus no-*
stris calcare vestigia, eam ob rem non au-
diunt, quòd huic opinioni aperta ratio, &
constant plurimorum sæculorum experien-
tiæ innixa, refragatur.

^a Viguerius 9. 6.
de peccato originali
post S. Bonavent.
Scotum & Theolo-
gos serè omnes.

^b Egid. in 1. d. 1.
p. 1. q. 1. a. 2.

^c Testat. parte 2:
defens. cap. 85.

^d S. August. lib. 16.
de ciuit. cap. 9.

Postremò, vt apud Philosophos iacet auctoritas Aristotelis, si communis illi Doctorum omnium consensus opponatur: sic apud Theologos repudiatur Augustinus, si Patres omnes aduersantes habet atque repugnantes. Nam vt pridem à^a Vincentio Lirinensi sapienter animaduersum est, conspirans ille ac pæne conflatus tot Doctorum consensus Diuinum aliquid redolet, quod singulari cuiuslibet hominis auctoritati longè sit anteponendum. Quo effato & manifesto per sese, & ex firmissimis Christianæ fidei fundamentis deprompto, fretus Concilij Tridentini orator Episcopus Bituntinus fidenter exclamat: ^b *Absit, vt propter vnius Augustini auctoritatem, à Sanctis Patribus & à ratione discedam. Displicerem & ipsi Augustino, si tot tantisque reiectis Patribus illi uni adhererem.* Eodem confisi oraculo ^c Theologi perinsignes, ita fatentur S. Augustinum existimasse mundum hunc aspectabilem puncto temporis conditum, & ornamentis omnibus expolitum fuisse: vt hanc eius opinionem, quòd à communi Sanctorum Patrum sensu plurimùm abhorreat, reiiciant.

Furit hac oratione meâ exulceratus inuerecundæ nouitatis fautor, Deùmque ac cæ-
lites

^a Vincentius Lirin. aduersus haeres. cap. 39. 40.

^b Cornelius Musius in cap. 5. epist. ad Romanos.

^c Magister in 2. dist. 12. S. Bonau. ibid. q. 2.

lites omnes contestans, S. Augustini dignitatem violari, eiusque auctoritatem indignissimè abiici vociferatur.

Sed quid ego in Augustinum peccaui, qui S. Thomæ Aquinatis, quem^a Augustinus ipse præcipuum doctrinæ suæ interpretem agnoscit, sententiam fideliter exposui? qui clarissimorum Theologorum, à quibus principis loco habetur, perpetuam atque constantem in eius doctrina quandoque deferenda consuetudinem candidè ac simpliciter retuli? qui Diuinam auctoritatem, quam ipse sibi abiudicat, tribuendam illi non esse demonstraui? Quid est enim à me, vel ab iis quos appellauimus, ad supremam illam auctoritatem Augustino detrahendam, dictum paulò liberius, quod non sit ab eo sæpius inculcatum? ^b *Neminem*, inquit, *velim sic amplecti omnia mea, ut me sequatur, nisi in iis in quibus me non errare perspexerit. Nam propterea nunc facio libros, in quibus opuscula mea retractanda suscepi, ut nec me ipsum in omnibus me secutum fuisse demonstrem.* Si quis nostrum de Augustino ista dixisset, ut Iansenianorum conuitiis vapularet! ut ab iis omni orationis diritate laceraretur!

Pergit tamen Augustinus: ^c *Noli meis litteris, quasi scripturis canonicis, inferuire.* Disertè

^a *Apud S. Anon. 3. p. hist. lit. 33. cap. 7. §. 12.*

^b *S. August. lib. de dono perseu. c. 21.*

^c *Lib. 3. de Trinit. c. 1.*

* Epistolâ tertiâ.

id quidem: paulo tamen pressius & angustius; copiosissimè alibi atque vberimè: - Neque enim, inquit, quorumlibet disputationes, quantumvis Catholicorum & laudatorum hominum, velut scripturas canonicas habere debemus, ut nobis non liceat, saluâ honorificentia, qua illis debetur hominibus, aliquid in eorum scriptis improbare, atque respuere, si fortè inuenerimus, quod aliter senserint, quàm veritas habet, Diuino adiutorio vel ab aliis intellecta, vel a nobis. Talis ego sum in scriptis aliorum; tales volo esse intellectores meorum. Quàm hîc vereor, ne Augustinum ipsum violatæ per summam iniuriam auctoritatis suæ Ianseniani postulent! Vnum certè obstare videtur, quominus id faciant; quòd ista de se non tam ex rei veritate, quàm ex singulari modestia, & animi demissione scripsisse^b putent: absque hoc foret, in cum reciderent maledicta omnia, quibus obruimur. Quanquam, ne istud quidem prætexere meritò possunt. Quamuis enim Augustinus nihil de seipso dixisset: quod tamen generatim præscribit, *Canonicis* duntaxat libris honorem istum *deberi*, ut nihil in iis improbare atque respuere liceat: satis est ad Diuinam illi auctoritatem, quam inuito atque repugnantem per vim obtrudunt, abrogandam.

† Apolog. 1. Ians.
ari. 9.

Arenim auctoritas tanta, quantam S. Augustinus, dum viueret, *Catholicis & laudatis* scriptoribus impertiendam negabat, illi ipsi post mortem accessit: cum pluribus Ecclesiæ Romanæ decretis eius doctrina honorificentissimè consecrata est. Quis hæc audiens non existimet, Romanos Pontifices, Augustini volumina omnia, quanta quanta sunt, corumque sententias singulas, atque ipsos quodammodo apices Apostolicâ auctoritate comprobasse? Et istud tamen adeo non est factum, vt ne fieri quidem ad hanc diem potuerit. Cum enim Ecclesia (sic ingeniosè ^a Tostatus argumentatur) de paucis ac breuissimis quæstionibus sententiam lata, plures quandoque annos, in iis ponderandis atque discutiendis posuerit: si vel vnum S. Augustini volumen, cum singulis eius pronuntiatis, ac vocibus probare & iudicio suo consecrare vellet, vix *anni ducenti* tam difficili & laborioso examini sufficerent.

Nihil agimus (Auditores) nouæ instruuntur machinæ, ^b armantur in nos celeberrima Concilia duo: quorum alterum ^c *S. Augustini opuscula recipit*, alterum ^d *se in omnibus sequi Augustinum* profitetur. O te versipellem atque fraudulentum, quisquis istud opponis! Cur enim dissimulas S. Augustinum vtrobi-

^a Tost. defens. p. 2.
cap. 81.

^b Epist. Abbatis ad
Episc.
^c Concil. Roman.
1. sub Gelasio.
^d Synodus V. Ccl.
lat. 3.

que non appellari singulariter, sed promiscuè cum aliis Patribus, atque adeo cum Græcis, quos non leuioribus tantùm maculis aspersos, sed etiam atrâ Pelagianæ hæresis fuligine decoloratos fuisse contendis? Desine ergo communia hæc, sparsaque in multos sine discrimine vlllo præconia ambitiosius venditare: at-

que hoc discere, quod pridem ^a *mundi stupor*, b Alphonsus Tostatus, & Parisiensis Theologus c Ioannes Gerson obseruarunt: generali istâ & Patres omnes peræquè comprehendenti approbatione, non eam Augustino auctoritatem conciliari, quæ omnem ab eo suspicionem erroris amoueat. Desine & illa Summorum Pontificum oracula *nobis intentare*, quæ vnius Augustini sic meminere, vt generatim duntaxat eius doctrinam admirentur ac prædicent. Cur enim hinc supremam illam Augustini auctoritatem colligas: cum eam nolis Thomæ Aquinati deferre, quem, & Romanus Pontifex ^d *tot miracula fecisse, quot quæstiones*, & Christus ipse, *bene scripsisse de se* generatim affirmauit?

Extorsimus tandem, vt singularem aliquam Augustinianæ doctrinæ approbationem Aduersarius proferret: sed quàm magnificè, quàm insolenter illam ostentat! dice-

^a Aub. Miræus in auctar. cap. 472.

^b Tostat. defens. part. 2. c. 83.

^c Gerson. tract. de examin. doctrin. censur. 1.

^d Ioannes XXII. apud Gerson. Parte 2. pag. 511.

^e Nulla canoniz. S. Thomæ.

res eum fulmen aliquod librare, quo nos breui obterendos non dubitet. Quid cessas? ictum expectamus. Ais Romanos Pontifices, doctrinam Augustini de ^a *arbitrio libero, & gratia Dei* comprobasse: & ^b *Romanam Ecclesiam eam sequi ac seruare.* Adde neminem ei Catholicum aduersari; subscribimus: adde hæreticos fore, qui contradixerint; assentimur. Quæcumque fuerit Augustinianæ de gratia doctrinæ, & quamlibet exaggerata laus, nostra commendatione vincetur: dummodo iisdem limitibus doctrinam illam, quibus est à Cælestino circumscripta, definias. • Is ex omnibus Augustini contra Pelagianos disputantis operibus, capita duntaxat nouem seligit, quibus Diuinam auctoritatem non ex Augustini nomine, sed ex superiorum Romanæ Sedis Pontificum sanctionibus arrogat. Tum eas addit voces, ad quas præposteræ illæ, ipsique Augustino inuisæ laudes, & maligna iniquissimorum laudatorum consilia, sic tanquam ad scopulum allisa franguntur. Cætera scilicet neque *contemnere* se, neque *astruere* profitetur.

Tot deiecti præsidii Aduersarij, vnum habent quod exprobrare meritò videantur: eleuare nos Augustini auctoritatem, à quo do-

^a Hormisdæ epist.

^{7.} ad Poss.

^b Ioannes II. epist.

^{3.} ad quosdam senat.

^c Celestinus in ep. ad quosdam Galliciarum Episc.

Ætrinæ nostræ malè metuimus: nolle in omni
 Theologiæ parte iudicem, quem in ea, de qua
 tandiu litigatur, aduersarium nouimus. Ad-
 uersarium! eum scilicet, cuius pridem senten-
 tiis, atque auctoritate vnâ Iansenium sic fre-
 gimus, vt tota eius secta nihil instruere defen-
 sionis, ac ne hiscere quidem contrâ potuerit.
 Non igitur arbitrum reformido, quem patro-
 num sum expertus: sed periniquum mihi vi-
 detur & minimè ferendum, vt qui ab Apo-
 stolica Sede damnati sunt, ad Augustinum
 prouocent; & fumantem adhuc ex recenti
 Ecclesiæ anathemate opinionem probari pos-
 se Catholicis arbitrentur, si Augustini nomen
 illi prætendant. Qua in re vt *Caluinus Ec-*
clesiæ iudicium obiectâ S. Augustini auctori-
 tate illudentem Ianseniani; ita Catholicæ do-
 ctrinæ defensores imitamur eos, qui hanc illi
 laruam fucumque detraxerunt. Postquam
 enim flagitiosus hæresiarcha sua de gratia &
 libero arbitrio dogmata, quibus S. Augustini
 nomen inscripserat, Concilij Tridentini ful-
 minibus obrita sensit: ^b fremere, indignari,
 & phrenetici in morem exclamare cœpit, per
 suum latus Augustinum peti: Diuinam eius
 doctrinam, tot Conciliorum decretis, tot Ro-
 manorum Pontificum sanctionibus, tot san-

^a Toto libro 3. de
 hæresi Iansenianâ.

^b Caluinus in
 Antiquo Concilio
 Tridentino sess. 6.

ætorum Patrum elogiis consecratam, explodi, sugillari, proscribi: stare se tam iniusto turpique iudicio non posse; præsentem Ecclesiam sibi iniquam eiurare; humanam rationem, cuius se pondere oppressum & impietatis conuietum norat, quasi præstigiaticem auersari: Patres pæne omnes, quibus aduersum se conspirantibus resistere non poterat, Pelagianæ hæresis insimulare: vnum sibi Augustinum iudicem deponere, vnius arbitrio litein omnem esse dirimendam. Quid ad hæc Catholicæ fidei vindices? quamuis Augustinum causæ suæ patrocinari non dubitarent, gauderentque adeo vocari se ad illud tribunal, quod sponte erant appellaturi: non prius tamen de Augustino verbum fecere, quàm inculcarent sæpius, eum non esse Catholicæ veritatis regulam; proinde ^a *etiamsi Caluino faueret, neminem fore sani iudicij, qui Patrem vnum aliis omnibus, & communi Christianorum consensui preferret.*

Quod si meritò est ab iis, citràque Augustini iniuriam factum, qui de gratia Dei & finitimis quæstionibus disputabant: quantò id à me vsurpari æquiùs potest, qui non in ea tantùm controuersia, in qua est eius auctoritas maior: sed in omni planè Theologia, cu-

^a Sancti Editio.
Ebroic. in arch. uir.
Caluini fol. 100.
Cardin. Bellarm.
in præf. de libero
arbitrio.

32 S. AVGVSTINVS THEOL. ARIST.
 ius in parte aliqua, cum veniæ præfatione, de-
 ferendum cum esse nemo sanus negauerit,
 principem mihi ducémque proposui. Ita est
 (Auditores) Augustinum Theologiæ Aristot-
 telem agnosco: atque vt in Lyceo versanti
 mihi, & de Philosophia disputanti magnus
 rerum naturalium auctor Aristoteles fuit: sic
 in hoc Theologiæ sacrario præcipuus mihi,
 ac ferme vnus rerum Diuinarum interpret
 Augustinus habebitur. Quamobrem cum ma-
 gnum opus *Augustini Theologiam* mecum
 ipse mediter designémque iamdudum, & pri-
 ma eius lineamenta his in scholis informanda
 videam: præmittendum necessariò duxi, quid
 sit in Theologia S. Augustini auctoritati eo
 nomine tribuendum, quòd *Theologorum Ari-
 stoteles* nuncupetur.

FINIS.



Summa Priuilegij Regis Christianissimi.

C A V T V M est auctoritate Regis, ne quis in ipsius regno librum qui sic inscri-
 bitur: *S. Augustinus Theologorum Aristoteles*, &c. quouis character, aut
 forma excudere, aut alibi excusum vendere, aliòve quolibet modo distrahere pos-
 sit, intra viginti annos, computandos à die absolutæ primæ editionis, præter Seba-
 stianum Cramoisy Regis ac Reginæ Architypographum. Qui secus fecerit, multa
 est indicta, prout fusiùs in diplomate regio continetur. Datum Parisius die 23. Octo-
 bris 1656. Sic signatum, De mandato Regis, C R A M O I S Y.